

Transkription von Stadtbucheintrag KIL 1378i

Ort, Datierung: Kiel, 1378-??-??

Signatur: Stadtarchiv Kiel, Das älteste Rentenbuch, 1300-1487, S. 24/b

Inhalt: Hinrik Scherer: Erbenspruch; Detlef Zalsowen: Rentenbeleg; Hinrik van deme Haghene: Erbenspruch

lxxviiij

Dat erue dat be leyghen is inder flemischen straten dat olden / Brande tũ hort hadde dat hort nv tũ half Hinr(ik) Scherer vnde / heft dat ghe nomen mid sineme wýue vnde is sin mid aller / rechtlichtgheýcht mid aller vrygheýcht also dat an sik beleyghen / is in alle sinen enden also sin vore varen dat aller vrighest / hat vnde be seten heft /

De twe vnde twinticht mark lubisch also ghangh vnde / gheue is dede týdeke Rekelinghus(en) hadde in Ty(m)me Kroghers / huse dar me(n) alle jare van ghaf tũ rentte tũ paschen twe / mark De heft vort týdeke vor pandet Detlef zalsowen / indeme suluen erue vnde¹ indesseme ersten iare also bette / nv tũ paschen so schal erer en deme anderen nicht tũ zegghe(n) / men dar na we vandeme anderen wyl de schal deme andern / tũ zegghen en half jar vnde magh losen desse vore screuen / rentte vor dessen vore screue(n) su(m)men des gheldes vnde is dat / negeste ghelt negest bliuue Cylen /

Hertze van plõne de heft vor koft sin erue dat be=/leyen is inder kedingstraten Hinr(ik) vandeme Haghene / vnde heft eme dat redeliken vnde rechtliken vppe late(n) / mid aller rechtlichtgheyt mid aller vrigheyt also dat / be leyen is in alle sinen enden vnde he vnde sin vore / varen dat aller vrigghost hat vnde be seten hebben .

¹ is im Original gestrichen